

PM: Boleh bawa ke Majlis Mahkamah

18 JAN 1993

KUALA LUMPUR 18 Jan.— Perdana Menteri, Dato' Sri Dr. Mahathir Mohamad berkata, sebarang pertikaian yang berbangkit mengenai pindaan perlembagaan boleh dibawa ke mahkamah.

Beliau menegaskan, tidak ada makna lagi bagi kerajaan membincangkan perkara itu jika kemudiannya "apa yang diperseutujui tidak dipatuhi."

Dengan nada kecewa, beliau menjelaskan, sehingga semalam, sekurang-kurangnya enam raja telah menyatakan persetujuan tetapi akhirnya lain yang terjadi walaupun kerajaan telah cuba bertolak ansur.

"Kita telah berbincang dengan mendalam termasuk soal mahkamah khas (untuk raja-raja). Bagaimanapun perbincangan itu akhirnya tidak bermakna langsung.

Sultan bera...

"Jika ini keadaannya apa guna bincang lagi," katanya kepada para pemberita di Bangunan Parlimen malam ini.

Perdana Menteri menyatakan demikian sebagai mengulas keputusan Majlis Raja-Raja pagi ini yang menolak dengan sebulat suara draf pindaan perlembagaan walaupun semalam dilaporkan, raja-raja akan bersetuju.

Mencukupi

Dr. Mahathir menambah, masa yang diberikan kepada raja-raja selama ini adalah lebih dari mencukupi dan oleh itu tidak timbul soal raja-raja memerlukan masa yang lebih panjang untuk membuat pendirian.

"Kita dah bagi masa yang panjang. Perkara ini agak mudah dan bukannya rumit," kata Dr. Mahathir lagi.